

〔清〕李紀方 著

白喉全生集

中國醫學大成續集

白喉全生集提要

清·李紀方著。紀方字倫青。衡山人。書系光緒八年所刊。對於辨證辨脈用藥。各有法度。內分白喉熱證尚輕治法。白喉熱證漸重治法。白喉寒證尚輕治法。白喉寒證漸重治法。白喉虛熱證治法。白喉虛寒證治法。白喉寒熱錯雜證治法。白喉誤治壞證治法。白喉愈後補虛治法。婦人白喉。小兒白喉。白喉熱證吹藥。白喉寒證吹藥。白喉寒熱錯雜吹藥。白喉通治方。白喉鍼穴經絡法。治喉專方等。其立方用藥。辛涼辛溫。補瀉不拘。隨症而施。更爲周妥。且可兼治時疫喉痧。爲學者不可不讀之書也。

光緒癸未夏鐫

白喉全生集

板存湘省汪寓
聽人備紙印送

白喉全生集敘

子華子曰。醫者理也。藥者。淪也。其意甚微。授受之際。曷可以無師承哉。越人之師長桑。倉公之師乘陽慶。莫不傳受心法。故禁方。脉書。實與內經。難。素。相爲表裏發明者也。魏宣武帝詔令設館。集諸醫。尋篇披簡。務存經方精要。頒下郡縣鄉邑。使知救患之術。唐陸贄既放荒遠。祇爲古今集驗方以示鄉人。自昔賢主

良臣之用心濟世。如出一轍。則方書之神益實大。曷
可以私秘而不傳哉。湘中地氣卑濕蒸鬱。天時復寒
燠不齊。故人多患白喉證。證極危險。有朝發夕死者。
眾醫每每束手莫治。余友李君倫青。衡山布衣。精於
醫。貫穿岐黃之學。幼得其外王父尹先生家傳白喉
經驗方。問病之陽。論得其陰。問病之陰。論得其陽。有
獨擅神奇之妙。歲辛巳。余權新平聘之幕中。目擊其

百試百效。因請閱其書。著說則鑿鑿無奇。立方更井井有法。所謂理者。淪者。意微而旨明。竊嘆薪傳有自。世固不乏長桑。乘陽慶之流也。精要旣存。救濟有術。曷可以其區區數方少之。而不公諸於世哉。亟爲校正。付之剞劂。是亦仿集今古驗方之遺意云爾。

光緒壬午季冬。武林鐵珊汪簠敘。

白喉全生集叙

自敘

先外祖尹愼徽先生博學。詩詞書畫。各臻其妙。尤精岐黃術。方負笈從學。而於內外科喉科腫證。刻志研求。二十年來。險逆諸證。一一經歷。博訪旁諮。悉心討論。竊謂深有所得。第白喉一證。世無專書。而時醫之業喉科者。於內經缺焉不講。故偶遇危殆。茫然莫解。卽有一二高明。亦多狃於習見。有偏於寒者。有偏於

熱者偏寒偏熱。不獨不爲濟世。資且適貽爲殺人刃。余心焉憫之。誦讀餘暇。輒與表兄趙仲標以外祖所傳治白喉證。方之屢試經驗者。纂輯白喉全生集。是書以寒熱二字爲綱領。而寒熱中又分輕重虛實。其辨證辨脉。縷晰條分。而用藥用方。通權達變。簡而精約而備。使人得是書以釋疑難。非敢云良方濟世。亦足以立起沉疴焉。

光緒八年壬午冬月。衡山李紀方。倫青氏敘於龍門
山房。

白
喉
全
生
集
叙

八

壬午冬李倫青處士。旣以所纂白喉全生集。強予襄
訂復屬爲之序。慨然曰。古無所爲醫也。自神農著本
草。黃帝岐伯著內經。伊尹著湯液。其人類皆神聖。道
固如是之大也。成周官制特詳。其醫師以上士爲之。
而使冢宰領其職。十全爲上。考課法嚴。任又如是之
重也。迨至炎漢。醫始別爲方技。自好之士。遂不屑於
言醫。然如淳於意。倉公一流。司馬太史作列傳以明。

其術。蓋去古猶未遠矣。季世以來。業醫者半爲奔走衣食之計。無復有誠心利濟之懷。品日卑。術日雜。無怪醫學之日壞。而任人自病自死於其世也。我

朝聖聖相承。本壽國壽民之心。以正醫學。乾隆間。

御醫宗金鑑。溯列聖之源流。擷百家之菁萃。歸然大備。日月爲昭。當其纂修之時。

特命大學士臣爲總管。固風示天下。以不敢薄醫爲小道。

也。士生其時。涵濡。

聖化莫不爭。自濯摩以仰副。

聖天子振興醫學之至意。故如柯如葉如薛。名流輩出。各自成家。嗚呼盛矣。惟自道光中葉。白喉病症始出。湘中地氣卑濕。患此者尤眾。其症爲

御纂醫宗金鑑所未載。淺學之士。無所師承。遂各執一見。以相治。有見燥煩之象。而指爲熱者。立方專主涼瀉。則

元陽之撲滅不知也。有見風涎之壅而指爲寒者。立方專主升散。則邪毒之橫溢無忌也。有見傳染之速而指爲疫者。立方專主攻下。則眞陰之傾陷勿顧也。偶獲一效。便詡神奇。遷地弗良。委諸刼運。以人試藥。以病就方。卒致人不死於病。而死於醫。可慨也。李倫青處士予中表兄弟也。幼時以誦讀之餘。研習方書。內外諸科。無不確有心得。而於外王父尹慎微先生

所傳白喉方法。尤稱神一時。其法有入表入裏之分。其方無偏寒偏熱之弊。出奇制變。運用無窮。蓋其見理明。用功深。正吾道豁然貫通之一候矣。去年幕遊省垣。住汪鐵珊司馬之家。求治白喉者。趾相錯於門。莫不應手愈。旣念病者甚眾。而一人之力不能遍及也。急思輯其方法。以公諸世。鐵珊司馬深韙之。且力任其成。不數月。繕錄粗完。都爲一帖。遂以付剞劂氏。

焉。讀是書者。按法察證。按證用方。自必如桴應鼓。觀其所著之論。駁斥時流。殆無遁飾。務使病者不誤死於疫之一字而後快。則其立方固精。而其存心又何如仁厚也。然予尤有感焉。憶昔先父母在堂。侍疾之時。專心醫學。每倫青來輒與往復商論。及別稍久而學益深。論益肆。蓋不覺餉予以無窮也。是書之輯。固特白喉之一端。然再殫數十年歷鍊之功。必將學與